

Muhernan casa cu nomber di soltera

Ayera mi a topa na redaccion cu **Angelina Crowes** (pa mi no menciona su nomber verdadero).

Dia cu Angelina a casa cu e electricista **Ramon Breton** (cu no ta su nomber verdadero), e empleada publico a cambia su nomber pa **Angelina Breton-Crowes**.

Despues el a bolbe pa su faam bieu di soltera y el a laga **"Breton"** cay.

Corda bon, ta e faam el a laga cay y no su casa.

Kico a pasa? Por ta cu el a drenta den fundacion M.E.L., **"Muhernan Emancipa Libera"**?

Of ta awor el a realiza cu un muher libera, no mester ta carga faam di su casa, no ora cu e ta gana 2 biaha mas tanto cu su casa?

Ta e homber ta esun cu tur mainta ta prepara desayuno.

Crowes kier a honra su tata cu a fayece algun aña pasa. Cargando faam **"Crowes"** como di dos faam no tabata suficiente, te cu su amiga **"Viola"** a propone pa e tatoo **"Crowes"** na su cintura.

Pero ey nan no tabata tin suficiente espacio.

E artista di Tatoo cu el a bishita scondi manera hopi ta haci awendia, a propone pa e tatoo bini bao di lombrishi, pero ora yega e **"s"**, Crowes no a gusta unda e letter aki mester a bin e ora ey.

Cu Crowes kier a honra su tata ta di admira pero mi a haya duele di su casa, **Manuel Crowes**. Mi kiermeen, **Manuel Breton**. Of por ta **Manuel Crowes-Breton**?

Awendia ta dificil pa tene e asuntonan aki corecto.

Mi no sa cual di e nombrenan Manuel a mantene, pero e mester a bira masha flexibel.

Mi ta mira e funcionario di Postkantoor ta yega caba na cura di cas y deposita tres carta den buzón.

Un carta pa **Angelina Crowes**, un pa **Manuel Crowes**, y un invitacion pa **Sr. y Sra. Crowes-Breton**.

Ora cu Manuel haya esakinan den su man, e ta puntra sigur: **"di**

con no a bin ningun carta pa Manuel Breton?"

Mi sa exactamente kico Breton ta pasando aden, pasobra mi señora Filomena tambe sa usa **"Filomena Naar - Herrera"** y despues ata carchi di AZV ta bini pa **Filomena Herrera**.

Bo mester tin un mente habri pa e cosnan aki, y keda gradecido manera ami, cu cobransanan no ta bini na nomber di **Juby Herrera**, sino ta masha placa **Juby Herrera** lo ta debe rond di Aruba pasobra no ta mi cobransanan.

Mi ta weitami ta yega Hulanda caba cu mi señora, drenta hotel pa registra, y bin tende: **"Ta duel mi Sr. Naar, esaki ta un hotel decente. Bo no por comparti e camber cu Sra. Herrera."**

Atami ta splica na frontdesk cu ta trata aki di mi señora y ta haya como contesta: **"Esey ta tur di nan ta bisa. Mihor boso sali prome cu mi yama Minister Rita Verdonk"**

Cu muhernan kier mantene na faam di soltera ta nada nobo, ta den nos sociedad e no a drenta ainda.

Muhernan a cuminsa carga faam di nan casa den e periodo caminda muhernan tabata wordo considera propiedad di e casa.

Mi ta scucha Angelina Crowes caba: **"Si den e tempo moderno aki bo ta bay pertenece na un homber of otro, ta mihor bo pertenece na bo tata"**.


Esaki mirando e cantidad di maltrato di hende muher cu ta tumando lugar y cu ta mihor nan pertenece na nan tata y no na nan casa.

Mirando mi nieta ta hunga, mi ta pensa cu lo ta tempo pa pone un borch na su cama: **"Nomber di tata: BON. Nomber di esposo: MALO."**

Dia cu e cuminsa lesa e prome pregunta cu e lo haci mi ta: **"Welo, kico ta un esposo?"**

E contesta cu mi lo duna ta: **"Un esposo ta un persona cu kier kita e bon nomber di Papi"**.

Juby Naar



Pierangely a gradua na Hulanda



QUALITY POOLS N.V.

Ta busca pa drenta den servicio inmediato un **(1) POOL ATTENDANT** cu experiencia.

- Mester tin rijbewijs valido
 - Mester por traha independientemente
 - Persona serio
 - Mester ta Hulandes of tin permiso valido
 - Mester sa e trabou di Pool Attendant.
- Interesadonan por jama 587-2530.

ORANJESTAD (AAN): Su soño a bira realidad. Como ex-estudiante di Colegio Arubano, Pierangely Wever, siguiendo pasonan di su mama Diana Antonette y su ruman muher Alydia Wever a gradua exitosamente como Docente di Baile na Fontys Dansacademie na Tilburg, Hulanda, cu specialisacion den Baile Moderno y Baile

Expresivo.

E ta ricibi masha felicitacion di famia Antonette, famia Wever,

demas conocirnan y alumnonan di School di Baile D.A. Pronto e lo regresa su dushi isla natal.

TELEFONNAN DI DIARIO
582-6747- FAX 582-8551